

DU KAUST GOTT SIE N FRINT SENNEN!





WAUT EN DIT HEFT TO FINJEN ES

KAPITEL

◆ Gott lot die en, sien Frint to woaren	1
◆ Daut jeft kjeenen bätren Frint aus Gott	2
◆ Du motst Gott kjanen lieren	3
◆ Woo du Gott kjanen lieren kaust	4
◆ Gott siene Frind woaren em Paradies läwen	5
◆ Daut Paradies es dicht bie!	6
◆ Eene Woarnunk von ieeschtemma	7
◆ Wää sent Gott siene Fiend?	8
◆ Wää sent Gott siene Frind?	9
◆ Woo eena de rajchte Relijion finjen kaun	10
◆ Wies faulsche Relijionen auf!	11
◆ Waut passieet biem Doot?	12
◆ Zaubarie un Hakjsarie sent schlajcht	13
◆ Gott siene Frind doonen nich, waut schlajcht es	14
◆ Gott siene Frind doonen, waut goot es	15
◆ Bewies diene Leew to Gott	16
◆ Om Frind to bliewen, vehool die aus een Frint	17
◆ Sie opp emma Gott sien Frint!	18

© 2008

Watch Tower Bible and Tract Society of Pennsylvania

Du kaust Gott sien Frint sennen!

Rutjäwa

La Torre del Vigia, A.R.
Heraldo 104, Col. Clavería, 02080 México, D.F.

Jedrekjt em Jaunewoa 2014

Dit Heft es nich toom vekjeepen. Daut woat rutjejäft aus
Poat von een weltwiedet biblischer Liawoakj, waut derch
friewelje Gowenunjastetwoat.

Wan nich aundasch aunjejäft, sent de Bibeltakjsten ut *De Bibel* (United Bible Societies un Kindred Productions, Utgow von 2007) jenomen. JHF bediet, daut de Takjst ut *Daut niec*

Testament en de Psalme von Johann H. Friesen jenomen es, met jeandade Schrievwies. NW bediet, daut de Takjst ut de huachdietsche *Neue-Welt-Übersetzung der Heiligen Schrift - mit Studienverweisen* jenomen ooda äwasat es.

You Can Be God's Friend!
Low German (gf-LWX)

Impreso en Mexico

Jedrekjt en Mexiko

GOTT LOT DIE EN, SIEN FRINT TO WOAREN

Gott wenscht sikj die toom Frint. Hast du aul emol doaräwa nojedocht, daut du een Frint met de hechste Persoon em Himmel un oppe Ieed sennen kaust? Toom Biespel wort Abraham, dee lange Tiet trigj läwd, Gott sien Frint jenant (Jakobus 2:23). De Bibel rät noch von mea Menschen, dee jieren Gott siene Frind wieren un sea jesääjent worden. Uk en de vondoagsche Tiet woaren Menschen von aulawäajen oppe Ieed Gott siene Frind. Krakjt soo kaust du uk een Frint met Gott sennen.

Gott sien Frint to sennen es bäta aus irjent eenen

Mensch sien Frint to sennen. Gott lat siene truhoatje Frind nienich em Stääkj (Psalm 18:26). Een Frint met Gott to sennen es bäta aus rikj to sennen. Wan een Rikja stoافت, kjrieen aundre sien Jelt. Wää oba Gott toom Frint haft, besett eenen Schauz, dän am kjeena wajchnämen kaun (Matäus 6:19).

Eenje woaren veleicht prooven, die doavon auftoholen, mea äwa Gott to lieren. Soogoa eenje von diene Frind un Famielje kjennen daut vesieekjen to doonen (Matäus 10:36-37). Wan aundre äwa die lachen ooda die enenjsten, dan froag die: „Wäm well ekj jefaulen – de Menschen ooda Gott?“ Bedenkj emol: Wan eena to die säd, du sust opphieren met äten, waut wurscht du doonen? Wurscht du sajen: „Goot, wan hee mie vebitt to äten, woa ekj doamet opphieren.“? Nä, wiels dan wurscht du stoawen! Du motst äten, wan du läwen west. Krakjt soo, waut wurscht du doonen, wan eena to die säd, du sust nich mea äwa Gott lieren? Gaunz secha sust du dän aufschuwen un wiedalieren. Wuarom? Wan du wiedalieescht äwa Gott, kaust du sien Frint woaren, un hee woat die eewjet Läwen jäwen (Johanes 17:3).



DAUT JEFT KJEENEN BÄTREN FRINT AUS GOTT


Een Frint met Gott to woaren es daut Baste, waut die passieren kaun. Gott woat die wiesen, woo du die kaust jlekjlich un secha feelen. Hee woat die frie moaken von väle faulsche Gloowes un schätelje Jewanheiten. Hee woat no diene Jebäda horchen. Hee woat die halpen, ennaren Fräd un Toovetruen to haben (Psalm 71:5; 73:28). Gott woat die en schwoare Tieden biestonen (Psalm 18:19). Un Gott beet die aun, die eewjet Läwen to schenkjen (Reema 6:23).



Wan du Gott noda kjemst, woascht du uk siene Frind noda komen. Dee woaren dan uk diene Frind woaren. Dee woaren fa die soo aus Breeda un Sestren sennen. See woaren die wellich halpen, mea äwa Gott to lieren, die biestonen un die oppmuntren.

Wie kjennen ons nich met Gott vejlikjen. Wan du west Gott sien Frint sennen, dan motst du eenen wichtjen Punkt vestonen: De Frintschoft met Gott es nich to vejlikjen met eene Frintschoft tweschen twee Menschen. Gott es väl ella, weisa un majchtja aus wie. Hee haft daut Rajcht, äwa ons to rejieren. Daut meent, wan wie wellen siene Frind sennen, dan mott wie no am horchen un daut doonen, waut hee ons sajcht. Daut deent ons emma toom Basten (Jesaja 48:18).

DU MOTST GOTTE KJANEN LIEREN



Toom Gott sien Frint sennen motst du am kjanen lieren. Kjanen diene Frind dienen Nomen, un brucken dee dän uk? Oba secha! Gott wenscht sikj uk, daut du sienen Nomen kjanst un brukst. Gott sien Nomen es Jehova (Psalm 83:19*; Matäus 6:9). Du motst uk lieren, waut hee jleicht un waut nich. Daut es uk wichtig to weeten, wää siene Frind un wää siene Fiend sent. Daut dieet Tiet toom wäm kjanen lieren. De Bibel sajcht, dee, wää sikj Tiet nemt toom Jehova kjanen lieren, es kluak (Efesa 5:15-16).

Gott siene Frind doonen, waut am jefelt. Denkj emol aun diene Frind. Wan du dee schlajcht behaundelst un soont deist, waut dee nich jleichen, jleefst du, dee woaren wellen diene Frind bliewen? Secha nich! Krakjt soo es daut met Gott. Wan du west sien Frint sennen, motst du doonen, waut am jefelt (Johanes 4:24).

Nich aule Relijionen halpen die, Gott sien Frint to woaren. Jesus, Gott sien notsta Frint, räd von twee Wäaj. Een Wajch es breed un dicht voll met Menschen. Disa fiet no de Venichtunk. De aundra Wajch es schmaul, un weinich Menschen gonen opp dän. Dis Wajch fiet toom eewjen Läwen. Daut bediet, wan du west Gott aus dienen Frint haben, dan motst du lieren, am opp dän rajchten Wajch to deenen (Matäus 7:13-14).




* Läs die de Erkläarunk von daut Wuat „Har“ en dän Toosauz „Butajeweenelje Wied“ en de Plautdietsche Bibel.

WOO DU GOTT KJANEN LIEREN KAUST

Du kaust Jehova kjanen lieren, wan du en de Bibel lässt. Lang trigj wäld Gott sikj jenesse Menschen ut toom siene Jedanken oppschriewen. Dise Schriften woaren ‚de Bibel‘ jenant. Vondoag lia wie Gott kjanen, wan wie de Bibel läsen. De Bibel woat uk ‚Gottes Wuat‘ jenant, wiels doabennen finj wie Jehova sien Wuat, ooda siene Norecht. Wie kjennen ons opp daut veloten, waut de Bibel sajcht, wiels Gott nienich licht. „Daut es ommäajlich, daut Gott lieejen woat“ (Hebrää 6:18). Gott sien Wuat es de Woarheit (Johanes 17:17).



De Bibel es eent von de wieetvolste Je-schenkja, waut Gott ons jeef. De Bibel es soo aus een Breef, waut een leeftolja Voda no siene Kjinja jeschräwen haft. De Bibel rät äwa Gott sien Vespräakjen, de Ieed en eene wunda-scheene Wonstäd to vewaundlen – en een Paradies. Dee erkjläat ons, waut hee ieeschtemma jedonen haft, waut hee nu deit un waut hee noch woat fa siene true Kjinja doonen. Dee halpt ons uk, met Schwierichkjeiten fo-dich to woaren un jlekjlich to sennen (2. Timotäus 3:16-17).



Jehova siene Zeijen sent Frind met Gott; dee woaren die wellich halpen, to vestonen, waut de Bibel lieet. Lot an daut weeten, wan du de Bibel studieren west. Dee velangen kjeen Jelt doafää (Matäus 10:8). Du kaust uk no christelje Toopkomes gonen, waut en Aunbädungsstäden jehoolen woaren, dee ‚Vesaumlungshus von Jehovah siene Zeijen‘ jenant woaren. Wan du daut deist, dan woat diene Erkjantnis äwa Gott bosich toonämen.

Du kaust Gott kjanen lieren derch de Ninja, dee hee muak. Toom Biespel sajcht de Bibel: „Gott [muak] Himmel un Ieed“ (1. Mose 1:1). Aus Jehovah „de Himmel“ muak, muak hee uk de Sonn. Nu, waut sajcht ons daut äwa Gott? Daut wiest ons, daut Jehovah groote Macht haft. Bloos hee kunn soo waut Jewaultjet aus de Sonn moaken. Daut wiest ons uk, daut Jehovah weis es, wiels daut brukte väl Weisheit, de Sonn to moaken, dee ons woamt un Licht jeft un nie-nich utjeit.

Jehova siene Schepfunk moakt dietlich, waut fa eene groote Leew hee to ons haft. Denkj emol aun aul de veschiedne Sorten Frucht, dee daut oppe Ieed jeft. Jehovah haud bloos kunt eene eensje Sort fa ons moaken – ooda äwahaupt kjeene. Oba hee jeef ons väle veschiedne Sorten Frucht, dee sikj aula en Form, Kalia un Jeschmak unjascheeden. Daut wiest ons, daut Jehovah nich bloos een leeftolja Gott es, nä, hee es uk friejäwrich, gootmeenent un ons sea toojedocht (Psalm 104:24).



GOTT SIENE FRIND WOAREN EM PARADIES LÄWEN

Daut Läwen em Paradies woat gaunz aundasch sennen aus daut vondoagsche Läwen. Gott woll kjeenmol haben, daut et oppe Ieed Probleemen, Jauma, Weedoag un Lieden jeef. Enne Tookunft woat Gott de Ieed en een Paradies omendren. Woo woat daut Paradies sennen? Well wie emol seenen, waut de Bibel doaräwa sajcht:


Goode Menschen. Daut Paradies woat daut Tus von Gott siene Frind sennen. Dee woaren eena dän aundren goot behaundlen un no Gott siene rajchte Wäaj läwen (Spricha 2:21).

Mea aus jenuach to äten. Em Paradies woat kjeena mea Hunga liedien. De Bibel sajcht: „[Doa] woat Äwafluss aun Jeträajd em Launt sennen“ (Psalm 72:16, JHF).

Schmocke Hiesa un Oabeit, dee ons Freid moakt. Wan de Ieed ieescbt een Paradies es, woat jiedre Famielje äa ieejnet Tus haben. Jiedra eena woat eene Oabeit haben, dee am soo rajcht Freid moakt (Jesaja 65:21-23).



Fräd oppe gaunze Ieed. Kjeenmol mea woaren Menschen Kjrich fieren un doabie stoawen. Gott sien Wuat sajcht: „[Gott moakt] en aule Welt met aulem Kjrich een Enj“ (Psalm 46:9-10).




Goode Jesuntheit. De Bibel vesprakjt: „Kjeena von june Menschen [dee em Paradies läwen] woat sajen: ‚Ekj sie nich jesunt“ (Jesaja 33:24). Kjeena woat mea lom, blint, doof ooda stomm sennen (Jesaja 35:5-6).

Weedoag, Jauma un Doot woat daut nich mea jäwen. Gott sien Wuat sajcht: „Doa woat kjeen Doot ooda Trua ooda Hielen ooda Weedoag mea sennen, wiels waut verhäa wia, es verschwungen“ (Openboarunk 21:4).



Schlajchte Menschen woaren verschwungen sennen. Jehova vesprakjt: „Oba de gottloose woaren äa Launt velieren, un de hinjalestje woaren von doa utjerot woaren“ (Spricha 2:22).

De Menschen woaren sikj goot sennen un achten. Oijerajchtichkeit, Unjadrekjunk, Bejia un Hauss woat daut nich mea jäwen. De Menschheit woat toop en Eenichkeit no Gott siene jerajchte Wääj läwen (Jesaja 26:9).



DAUT PARADIES ES DICHT BIE!

Aul de schlajchte Ninja, waut vondoag passieren, wiesen, daut daut Paradies dicht bie es. De Bibel säd, daut wie grulich schwoare Tieden beläwen wudden, jrod ea daut Paradies kommen wudd. Wie läwen nu en soone Tieden! Hia sent miere von de Ninja, waut de Bibel em Verut säd:



Groote Kjriej. „Een Volkj woat jäajen daut aundre oppstonen, un een Kjennichrikj jäajen daut aundre“ (Matäus 24:7). Dise Profezeiunk haft sikj erfelt. Von 1914 aun jeef daut twee Weltkjriej un väle kjlandre Kjriej. Millionen von Menschen sent doabie jestorwen.



Wiet vebreede Krankheiten. „Doa woat opp veschiedne Städen . . . Pestilenz sennen“ (Lukas 21:11). Haft sikj daut erfelt? Jo! Millionen von Menschen sent aun Kjräft, Hoatkrankheiten, Tuberkulose, Zockakrankheit, jeschlajchtlich äwadroagne un aundre Krankheiten jestorwen.



Hungaschnooten. Äwaraul oppe Ieed jeft daut Menschen, dee nich jenuach to äten haben. Aule Joa vehungren Millionen von Menschen. Daut es noch een Tieekjen, daut daut Paradies boolt kommen woat. De Bibel sajcht: „Doa woat Hungaschnoot . . . sennen“ (Markus 13:8).

Ieedbäben. „Doa woaren opp veschiedne Städen . . . Ieedbäben sennen“ (Matäus 24:7). Daut haft sikj uk erfelt. Äwa eene Million Menschen sent von 1914 aun en Ieedbäben omjekomen.

Schlajchte Menschen. De Menschen wudden „nom Jelt hinjaraun sennen“ un „väl von sikj selfst hoolen“. Dee wudden „daut Vejnieejen leewa haben aus Gott“. De Kjinja wudden „de Elren nich jehorchen“ (2. Timotäus 3:1-5). Meenst du nich uk, daut et en de vondoagsche Tiet väle soone Menschen jeft? Dee achten Gott nich un trublen dee, waut mea äwa Gott lie- ren wellen.

Vebräakjen. „De Gottloosichkjeit [„Jesazloo- sichkjeit“, NW] woat äwahaunt nämen“ (Matäus 24:12). Secha stemst du doamet en, daut de Vebräakjen nu mea sent aus ea. Aulawää- jen es de Jefoa, daut eena äwafollen, hinjago- nen ooda velatz woat.

Aul dit wiest, daut Gott sien Kjennichrikj dicht bie es. De Bibel sajcht: „Wan jie dit aula passieren seenen, räakjent doamet, daut daut Gottesrikj dicht bie es“ (Lukas 21:31). Waut es daut Kjennichrikj von Gott? Daut es Gott sie- ne Rejierunk em Himmel, dee daut Paradies hia oppe Ieed häastalen woat. Gott sien Kjen- nichrikj woat enne Städ aule menschelje Re- jierungen harschen (Daniel 2:44).




EENE WOARNUNK VON IEESCHTEMMA

Jehova woat daut nich tooloten, daut schlajchte Menschen daut Paradies venichten. Bloos siene Frind woaren doabennen läwen. Waut woat met de schlajchte Menschen passieren? Toom daut utfinjen denkj emol aan de Jeschicht von Noah. Noah läwd dusende Joaren trigj. Hee wia een gooda Maun, dee sikj emma aunstrenjd, Gott sienen Wellen to doonen. De aundre Menschen oppe Ieed dedden, waut schlajcht wia. Doawäajen säd Jehova to Noah, daut hee wudd eene groote Äwaschwamunk veuasoaken, om aul de schlajchte Menschen to venichten. Noah sull eene Arche buen, doamet hee un siene Famielje nich en de Sindflut storwen (1. Mose 6:9-18).



Noah un siene Famielje buden de Arche. Noah woarnd de Menschen, daut de Sindflut kommen wudd, oba dee horchten nich no am. Dee muaken bloos wieda, waut schlajcht wia. Aus de Arche foadich wia, brocht Noah de Tieren doa nenn, un uk siene Famielje jinkj toop met am nenn. Dan leet Jehova een grootet Owwada oppkommen. Daut räajend Dach un Nacht, 40 Doag lang. De gaunze Ieed jinkj unja Wota (1. Mose 7:7-12).



De schlajchte Menschen veluaren äa Läwen, oba Noah un siene Famielje worden jerat. Jehova beschitzt an en de Sindflut, soo daut see oppe Ieed wiedaläwen kunnen, dee von daut Beese jereinicht wia (1. Mose 7:22-23). De Bibel sajcht, doa woat noch eemol de Tiet komen, wua Jehova aul deejanje venichten woat, dee sikj wäären, daut to doonen, waut rajcht es. De goede Menschen woaren nich venicht woaren. Dee woaren fa emma em Paradies oppe Ieed läwen (2. Petrus 2:5-6, 9).

En de vondoagsche Tiet doonen väle Menschen, waut schlajcht es. De Welt es voll met Probleemen. Emma wada schekjt Jehova siene Zeijen, om de Menschen to woarnen, oba de mieeschte wellen nich no Jehova siene Wieed horchen. See wellen äaren Läweswaundel nich endren. See wellen nich aunnämen, waut Gott sajcht, waut rajcht ooda orrajcht es. Waut woat met dise Menschen passieren? Woaren dee sikj eenen Dach endren? Väle woaren daut niemols doonen. De Tiet nodat sikj, wan de beese Menschen venicht woaren un kjeenmol mea läwen woaren (Psalm 92:8).

De Ieed woat nich venicht; dee woat en een Paradies vewaundelt. Deejanje, dee Gott siene Frind woaren, kjennen fa emma em Paradies oppe Ieed läwen (Psalm 37:29).


WÄA SENT GOTT SIENE FIEND?

Gott sien jratsta Fient es Soton, de Diewel. Hee es eene Jeistpersoon, dee sikj jäajen Gott stald. Soton kjamft noch emma jäajen Gott un veuasoakt de Menschen groote Trubbeln. Soton es gaunz un goa bees. Hee es een Läajna un een Merda (Johanes 8:44).

Aundre Jeistpersoenen haben sikj Soton aunjeschloten bie sienen Wadastaunt jäajen Gott. En de Bibel woaren see beese Jeista, ooda ‚Dämonen‘, jenant. Krakjt soo aus Soton, soo sent uk de Dämonen de Menschen äare Fiend. Dee jleichen daut, Menschen Schoden auntodoonen (Matäus 9:32-33; 12:22). Jehova woat Soton un siene Dämonen opp emma venichten. An blift bloos noch eene korte Tiet, de Menschen to trublen (Openboarunk 12:12).

Wan du west Gott sien Frint sennen, dan motst du nich doonen, waut Soton well.

Soton un de Dämonen haussen Jehova. See sent Gott siene Fiend un wellen, daut du uk een Fient von Gott woascht. Du motst utwählen, wäm du jefaulen west – Soton ooda Jehova. Wan du west eewich läwen, dan motst du die entscheiden, Gott sienen Wellen to doonen. Soton haft väle veschiedne Hinjalesten un Wäaj, om Menschen to teischen. De mieeschte loten sikj von am hinjat Licht fieren (Openboarunk 12:9).



WÄA SENT GOTT SIENE FRIND?



Jesus Christus es Jehova sien notsta un leefsta Frint. Ea hee aus Mensch oppe Ieed läwd, läwd Jesus em Himmel aus eene majchtje Jeistpersoon (Johannes 17:5). Dan kjeem hee oppe Ieed, om de Menschen de Woarheit äwa Gott to lieren (Johanes 18:37). Hee jeef uk sien menscheljet Läwen han, om jehuarosome Menschen von Sind un Doot frie to moaken (Reema 6:23). Nu es Jesus de Kjennich von Gott sien Kjennichrikj; daut es de himlische Rejierunk, dee daut Paradies oppe Ieed häastalen woat (Openboarunk 19:16).

De Enjel sent uk Gott siene Frind. De Enjel haben äa Läwen nich aus Menschen oppe Ieed aunjefongan. Gott haft dee em Himmel jeschaufen, ea hee de Ieed muak (Hiob 38:4-7). Daut jeft Millionen von Enjel (Openboarunk 5:11). Dise himlische Frind von Gott wellen, daut de Menschen de Woarheit äwa Gott kjanen lieren (Openboarunk 14:6-7).

Gott haft uk oppe Ieed Frind; dise nant hee siene Zeijen. Em Jerecht mott een Zeij daut sajen, waut hee äwa eene bestemde Persoon ooda Sach weet. Jehova siene Zeijen sajen andre, waut see äwa Jehova un sien Väänämen weeten (Jesaja 43:10, NW). Krakjt soo aus de Enjel, soo wellen uk Jehova siene Zeijen die halpen, de Woarheit äwa Gott kjanen to lieren. See wellen, daut du uk woascht Gott sien Frind sennen.




WOO EENA DE RAJCHTE RELIJION FINJEN KAUN

Wan du west een Frint met Gott sennen, motst du am soo deenen, aus hee daut fa rajcht helt. Jesus säd, daut „de woarhauftje Aunbäda“ Gott soo aunbäden, daut et met „de Woarheit“ stemt (Johanes 4:23-24). Daut jeft mau bloos eenen rajchten Wajch toom Gott deenen (Efeesa 4:4-6). De rajchte Relijion fieet toom eewjen Läwen, un de faulische Relijionen no de Venichtunk (Matäus 7:13-14).

De rajchte Relijion kaust du utfinjen, wan du de Menschen beoobachst, dee doano läwen. Wiels Jehova goot es, motten uk siene true Aunbäda goede Menschen sennen. Een Biespel: Een gooda Aupelsienenboom drajcht goede Aupelsienen. Krakjt soo mott de rajchte Relijion goede Menschen verendach brinjen (Matäus 7:15-20).

Jehova siene Frind achten sea de Bibel. See weeten, daut de Bibel von Gott kjemt. See loten sikj en äa Läwen aunleiden von waut de Bibel sajcht, un brucken dee, om met äare Probleemen foadich to woaren un om Gott bäta kjanen to lieren (2. Timotäus 3:16). See strenjen sikj aun, daut notokomen, waut see aundre lieren.





Jehova siene Frind bewiesen, daut see Leew unjarenaunda haben. Jesus bewees siene Leew to de Menschen doaderch, daut hee an äwa Gott belieed un Kranke heeld. Deejanje, waut de rajchte Relijion uteewen, wiesen uk äare Leew to aundre. Jesus sad, eena wudd siene Jinja doaraun erkjanen kjennen, daut see Leew unjarenaunda haben (Johanes 13:35).

Gott siene Frind ieren Gott sienem Nomen, Jehova. Wudd eena, dee sikj wäad, dienen Nomen to brucken, dien gooda Frint sennen? Secha nich! Wan wie eenen Frint haben, bruck wie sienem Nomen un räden goot äwa am. Daut bediet, wan wie wellen Gott siene Frind sennen, sell wie sienem Nomen brucken un aundre von am vetalen. Jehova wenscht, daut wie daut doonen (Matäus 6:9; Reema 10:13-14).

Soo aus Jesus deed, räden uk Gott siene Frind met aundre äwa Gott sien Kjennichrikj. Daut Kjennichrikj von Gott es siene himlische Rejierunk, dee ut de Ieed een Paradies moaken woat. Gott siene Frind brinjen aundre dise goede Norecht von Gott sien Kjennichrikj (Matäus 24:14).

Jehova siene Zeijen strenjen sikj aun, Frind met Gott to sennen. See achten de Bibel un haben Leew unjarenaunda. See ieren un brucken Gott sienem Nomen un unjarechten aundre äwa daut Kjennichrikj von Gott. En de vondoagsche Tiet eewen Jehova siene Zeijen de rajchte Relijion ut.

WIES FAULSCHE RELIJIONEN AUF!

Soton un siene beese Jeista wellen nich haben, daut du Gott deenst. Dee wellen soo väle Menschen aus määjlich von Gott aufbrinjen. Woo prooven dee, daut to doonen? Een Wajch es derch faulsche Relijionen (2. Korinta 11:13-15). Eene Relijion es faulsch, wan dee nich de Woarheit ut de Bibel lieet. Faulsche Relijionen sent soo aus faulschet Jelt – daut lat meist soo aus rajchtet, oba daut es to nuscht to brucken. Daut kaun die en groote Schwierichkjeiten brinjen.



Jehova haft kjeenmol een Jefaulen aun faulische Lieren, wiels hee es de Gott von de Woarheit. Aus Jesus oppe Ieed wia, jeef daut eene religeese Grupp, dee am dootmoaken wull. Dee dochten, äare Oat, Gott to deenen, wia de rajchte. See säden: „Wie haben eenen Voda, un daut es Gott.“ Stemd Jesus doamet en? Nä! Hee sad to an: „Jie staumen von junem Voda, däm beesen Fient“ (Johanes 8:41, 44). Vondoag jleewen väle, daut see Gott rajcht aunbäden, oba en Werklichkeit deenen see Soton un siene Dämonen! (1. Korinta 10:20).

Krakjt soo, aus een schlajchta Boom bloos schlajchte Frucht drajcht, brinjen uk de faulsche Relijionen Menschen verendach, dee schlajcht haundlen.

De Ieed es voll met Probleemen, wiels de Menschen Schlajchtet doonen. See sent onmoralisch, strieden, stälen, unjadrekjen, morden un doonen aundre met Jewault brucken. Väle von dee, waut soont driewen, haben eene Relijion, oba äare Relijion brintj an nich doatoo, daut to doonen, waut goot es. See kjennen nich Gott siene Frind woaren, wan see nich opphieren, schlajchte Dinja to doonen (Matäus 7:17-18).

Faulsche Relijionen lieren, daut de Menschen to Aufjetta bäden sellen. Gott sajcht, wie selten soont nich doonen. Daut es gaunz vestentlich. Wurscht du daut jleichen, wan eena emma bloos to een Bilt von die räd, oba kjeenmol met die selfst? Kunn deejanja werkjlich dien gooda Frint sennen? Secha nich. Jehova wenscht, daut de Menschen to am räden, un nich to irjent eenen Jetzen ooda Bilt, waut nich Läwen haft (2. Mose 20:4-5).

Faulsche Relijionen lieren, daut et rajcht es, aundre em Kjrich omtobrinjen. Jesus säd, daut Gott siene Frind sikj unjarenaunda wudden goot sennen. Menschen, dee wie goot sent, brinj wie nich om (Johanes 13:35). Daut es fa ons soogoa orrajcht, Menschen omtobrinjen, dee schlajcht sent. Aus Jesus siene Fiend kjeemen, om am faushtonämen, leet hee nich too, daut siene Jinja Jewault brucken kunnen, om am to beschitzen (Matäus 26:51-52).

Faulsche Relijionen lieren, daut de Beese woenen em Halenfia lieden motten. De Bibel oba lieet, daut de Sind toom Doot fieet (Reema 6:23). Jehova es een leeftolja Gott. Wudd een leeftolja Gott Menschen ewich kjwäljen? Gaunz secha nich! Em Paradies woat daut mau bloos de eene Relijion jäwen, dee Jehova fa rajcht helt (Openboarunk 15:4). Aul de Relijionen, dee von Soton siene Lääjes häastaumen, woat daut nich mea jäwen.



WAUT PASSIEET BIEM DOOT?

De Doot es daut Jääjendeel von daut Läwen. De Doot es soo aus een fausta Schlop (Johanes 11:11-14). De Doodes kjennen nich hieren, seenen, räden, uk nich denkjen (Liera 9:5, 10). Fausche Relijionen lieren, daut de Doodes no eene Jeistawelt kommen, wua see toop met äare Vääfoaren läwen. Oba soont lieet de Bibel nich.



Dee, waut jestorwen sent, kjennen ons nich halpen, uk nich schoden. Foaken doonen Menschen jewesse väajeschräwne Formlich-kjeiten derchfieren un Opfa brinjen, wiels see jleewen, daut de Doodes daut jefelt. Oba daut jefelt Gott sea schlajcht, wiels daut kjemt von Soton siene Lääjes häa. Un wiels de Doodes nich läwen, kjennen see uk kjeen Jefaulen doaraun haben. Wie derwen de Doodes nich ferchten un an uk nich aunbäden ooda deenen. Wie sellen bloos Gott aunbäden un am deenen (Matäus 4:10).

De Doodes woaren wada toom Läwen kommen. Jehova woat de Doodes oppwakjen toom em Paradies oppe Ieed läwen. Dise Tiet licht noch ver ons (Johanes 5:28-29; Apostelgeschicht 24:15). Gott kaun de Vestorwne krakjt soo eefach wada toom Läwen brinjen, aus du wäm oppwakjen kaust, dee schlapt (Markus 5:22-23, 41-42).

De Iedee, daut een Poat von ons nich stoافت, es eene Faulschheit, dee Soton, de Diewel, äwaraul vebreet haft. Soton un siene beese Enjel billen de Menschen en, daut Jeista von de Doodes läwen, un daut dee Krankheiten un Trubbels veuasoaken. Eenjemol teischt Soton Menschen derch Dreem un Visionen. Jehova veuadeelt dee, waut vesieekjen, met de Doodes to räden (5. Mose 18:10-12).


ZAUBARIE UN HAKJSARIE

SENT SCHLAJCHT

Soton well, daut du Zaubarie drifst. Väle brinjen Opfa fa äare Vääfoaren ooda fa Jeista, om sikj fa Schoden to bewoaren. Daut doonen see, wiels see ferchten de Jeista äare Macht. See brucken Rijng ooda Benja, waut met Zaubarie to doonen haben. See jleewen, daut jewesse „Meddel“ Zaubaakrauft haben, un doawäajen drinkjen see daut ooda schmäären sikj doamet en. En äa Hus ooda en de Ieed vestääkjen eenje Menschen Sachen, waut an derch Zaubaakrauft beschützen sellen. Aundre brucken „Zaubameddel“, wiels see jleewen, daut woat an Jlekj brinjen bie de Oabeit, em Haundel driewen, enne School ooda wan see sikj befrieen wellen.

Dien basta Schutz fa Soton es, Jehova toom Frint to haben. Jehova Gott un siene Enjel sent väl majchtja aus Soton un siene beese Jeista (Jakobus 2:19; Openboarunk 12:9). Jehova brukte siene Krauft von Hoatten jieren fa siene Frind – dee, waut sikj gaunz truhoatich aun am hoolen (2. Chronik 16:9).

Gott sien Wuat sajcht: ‘Jie sellen nich Zaubarie driewen’. Jehova veuadeelt Zaubarie un Hakjsarie, wiels disse Handlungen kjennen eenem fuaz unja Soton, dän Diewel, siene Macht brinjen (3. Mose 19:26).



GOTT SIENE FRIND DOONEN NICH, WAUT SCHLAJCHT ES


Soton vesieekjt Menschen, om daut see Schlajchitet doonen. Wan eena well Gott sien Frint sennen, dan mott hee daut haussen, waut Gott haust (Psalm 97:10). Hia sent waut Sachen aunjejäft, wua Gott siene Frind von wajch bliewen:



Jeschlajchtssinden. „Doot nich Ehebruch begonen“ (2. Mose 20:14). Jeschlajchtsvekja, ea eena befriet es, es uk orrajcht (1. Korinta 6:18).



Stälen. „Stält nich“ (2. Mose 20:15).




Bedrinkjen. „Menschen, dee . . . drinkjen, . . . woaren daut Gottesrikj nich oawen“ (1. Korinta 6:9-10).



Morden, aufdriewen. „Nämt kjeenem daut Läwen“ (2. Mose 20:13).



Lieejen. „Eene Tung dee Lääjes rät“, es Jehova jääjenaun (Spricha 6:17).



Jewault un onbandje Wutt. „Däm, dee Je-wault leeft, haust [Jehova] siene Seel“ (Psalm 11:5, JHF). Mank daut, „waut daut Fleesch fa Woakjen haft es . . . Wutt“ (Galata 5:19-20).

Opp Jelt spälen. ‘Habt kjeenen Omgank, wan wää een Habsuchtja es’ (1. Korinta 5:11, JHF).

Hauss jäajen Menschen von aundre Rausen un Velkja. „Siet june Fiend goot, un . . . bät fa dee, dee junt . . . vefoljen“ (Matäus 5:43-44).

Daut, waut Gott ons sajcht, deent ons toom Gooden. Daut es nich emma eefach, daut Schlajchte to meiden. Oba met Jehova siene Halp un met de Halp von siene Zeijen kaust du die doavon wajchhoolen, Sachen to doonen, waut Gott schlajcht jefaulen (Psalm 121:2-3; Jesaja 48:17; Hebräa 10:24-25).

GOTT SIENE FRIND DOONEN, WAUT GOOT ES



Wan du eenen Frint hast, dän du väl rääkjenst, woascht du vesieekjen, am änlich to sennen. Jehova „es wundaboa goot un jerajcht“, sajcht de Bibel (Psalm 25:8). Om Gott siene Frind to sennen, mott wie goot un opprechttich sennen. De Bibel sajcht: „Aus Gott siene leewe Kjinja, sträft am emma änelja to woaren. Siet eenaunda goot“ (Efeesa 5:1-2). Woo kjenn wie daut doonen?


Sie wellich toom aundre halpen. „Doawäajen sull wie . . . aun aule Menschen goedet doonen“ (Galata 6:10).

Doo flietich oabeiden. „Wää met stälen jeploacht es, saul doamet opphieren un oabeiden gonen un opprechttich met siene Henj sien Broot vedeenen“ (Efeesa 4:28).

Bliew kjarpalich un sitlich rein. „Well wie ons nu von aules reinjen waut Kjarpa un Jeist besudelt, un en Gottesforcht heilich läwen“ (2. Korinta 7:1).




Doo diene Famielje leewen un achten. „Oba aulemol, jie Mana sellen june Frues jrod soo goot sennen, aus junt selfst, un de Frues sellen soo sorjen, daut see äare Mana achten. Kjinja, june Christenpflicht es, june Elren to jehorchen“ (Efeesa 5:33 bat 6:1).



Bewies Leew to aundre. „Well wie ons unjarenaunda goot sennen, wiels Leew staumt von Gott“ (1. Johannes 4:7).

Doo, waut de Laundesjesazen velangen. „Lot aulemaun de Rejierunk unjadon sennen . . . Tolt aulem, waut jie an schuldich sent: Taks, dän jie Taks schulden“ (Reema 13:1, 7).


BEWIES DIENE LEEW TO GOTT



Om enne Lenjd eenen Frint to behoolen, motst du die met am unjahoolen. Wan jie junt unjahoolen, woascht du am jieren toohorchen, un hee woat uk die toohorchen. Du vetalst uk fein von am. Dautselwje es, wan eena een Frint met Gott es. Paus emol opp no waut de Bibel doaräwa sajcht:



Räd rääjelmässich met Jehova em Jebäd. „Siet . . . aunhoolent em Jebäd“ (Reema 12:12).



Läs en Gott sien Wuat, de Bibel. „Aule Schreft von Gott jejäft, es wieetvoll ons to belieren, ons uttobätren, ons trajchttowiesen“ (2. Timotäus 3:16).

Belia aundre äwa Gott. „Dan got nu no de Velkja von de Welt un moakt an to Lieelinja . . . Lieet an aules to doonen, waut ekj junt befolen hab“ (Matäus 28:19-20).

VESAUMLUNGSHUS von Jehova siene Zeijen



Hool die dicht aun Gott siene Frind.

„Wää daut met weise Menschen helt, woat weis“ (Spricha 13:20).

Go no de Toopkomes em Vesaumlungshus von Jehovah siene Zeijen. „Well wie toophoolen un ons unjarenaunda aunsponnen, en goede Woakjen, Leew to bewiesen . . . [un] ons unjarenaunda Moot toospräakjen“ (Hebrää 10:24-25).

Halp met, daut Woakj fa daut Kjennichrikj to unjastetten. „Een jiedra saul daut, waut hee sikj em Hoat väajenomen haft, met Freiden jäwen un nich bemott. Gott es dee goot, dee met Freid jäwen“ (2. Korinta 9:7).



OM FRIND TO BLIEWEN, VEHOOL DIE AUS EEN FRINT

Leew es wichtich toom Frind sennen. Je mea du äwa Jehova lieescht, je jrata woat diene Leew to am. Wan diene Leew fa Gott toonemt, woat uk dien Wunsch toonämen, am to deenen. Daut woat die doatoo brinjen, daut du een Jinja von Jesus Christus woascht (Matäus 28:19). Jehova siene Zeijen sent soo aus eene jlekjelje Famielje. Wan du een Poat von dise Famielje woascht, kaust du opp emma Gott sien Frint bliewen. Waut motst du doonen?

Du motst diene Leew to Gott doaderch bewiesen, daut du siene Jebooten je-horchst. „Wan wie Gott goot sent, dan hool wie siene Jebooten, un siene Jebooten sent nich schwoa“ (1. Johanes 5:3).



Du motst daut doonen, waut du lie-escht. Om daut dietlich to moaken, vertald Jesus eene Jeschicht. Een vestendja Maun bud sien Hus opp Steen. Een onvestendja Maun bud sien Hus opp Saunt. Aus een grootet Owwada kjeem, foll daut opp Steen jebude Hus nich toop, oba daut opp Saunt jebude foll met grootet Krachen toop. Jesus säd, daut dee, waut siene Lieren hieren un doano haundlen, soo sent aus de vestendja Maun, waut opp Steen bud. Oba dee, waut siene Lieren venämen un nich doano haundlen, sent soo aus de onvestendja Maun, waut opp Saunt bud (Matäus 7:24-27).




Jeff die Gott han. Daut meent, daut du Je-hova em Jebäd sajchst, daut du opp emma-sienien Wellen doonen west. Doaderch, daut du Gott sienen Wellen deist, wiest du, daut du Jesus Christus sien Jinja best (Matäus 11:29).

Lot die deepen. „Lot die deepen un de Sinden aufwauschen, wäärent du sienen No-men aunroopst!“ (Aposteljeschicht 22:16).

Sie omhäa em Deenst fa Gott. „Aules waut jie doonen, daut doot von Hoaten jieren aus fa Gott, un nich fa Menschen“ (Kolossa 3:23).

SIE OPP EMMA GOT SIEN FRINT!



Frind to woaren un to bliewen brukt Aunstrenjunk. Wan du die aunstrenjst, Gott sien Frint to woaren un to bliewen, woascht du rikjlich jesäajent woaren. Jesus säd to dee, waut aun am jleewden: „De Woarheit woat junt frie moaken“ (Johannes 8:32). Waut meent daut?



Du kaust nu aul frie sennen. Du kaust frie sennen von de faulsche Lieren un von de Lääjes, waut Soton vebreet haft. Du woascht nich soo onen Hopnijn sennen aus Millionen Menschen, waut Jehova nich kjanen (Reema 8:22). Gott siene Frind sent sooga frie von de „Doodesforcht“ (Hebräa 2:14-15).

Du kaust en Gott siene niee Welt frie sennen. Stal die väa, woo wundascheen daut woat sennen, een Läwen frie von Sorjen to haben! Em Paradies oppe Ieed woa wie frie sennen von Kjrich, Krankheit un Vebräakjen; frie von Oamoot un Hunga; frie von oolt un schwak woaren un stoawen; frie von Angst, Unjadrekjunk un Ojerajchtkjeit. De Bibel sajcht äwa Gott: „Du deist diene Haunt op un moakst aulet Läwendje met Jnod saut“ (Psalm 145:16, JHF).

Gott siene Frind woaren opp emma läwen. Daut eewje Läwen es een wieetvollet Jeschenkj, waut Gott aul deejanje jäwen woat, waut sikj aunstrenjen, siene Frind to sennen (Reema 6:23). Denkj doa emol äwa no, waut daut eewje Läwen fa die bedieden kaun!

Du woascht Tiet haben toom väle Sachen doonen. Veleicht wudd die daut intressieren, een Musikjinstrument to spälen. Ooda veleicht west du jieren Bilda molen ooda daut Descha-hauntwoakj lieren. Du kaust uk waut äwa Tieren ooda äwa Plaunten lieren. Ooda wurscht du jieren romreisen un veschiedne Jääjenden un Velkja kjanen lieren? Daut eewje Läwen woat aul daut määjlich moaken!

Du woascht Tiet haben, met väle Menschen Frint to woaren. Wan du eewich läfst, kaust du väle Menschen kjanen lieren, waut uk Gott siene Frind jeworden sent. Du woascht dee äare Gowen un goede Ieejenschoften kjanen lieren, un see woaren uk diene Frind woaren. Du woascht an jleichen, un see woaren die uk jleichen (1. Korinta 13:8). Daut eewje Läwen woat die jenuach Tiet jäwen toom met aule Menschen Frint woaren! Oba daut Bas-te woat sennen: wäärent een Joahundat no daut aundre vejeit, woat diene Frintschoft met Jehova emma stoakja woaren. **Sie opp emma Gott sien Frint!**





Wurscht du jieren mea weeten wellen?

Opp **www.jw.org/pdt** kaust du Jehova siene Zeijen oppsieekjen.

